

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

Quid Cōstātius pro Athanasio Aegyptiis scripserit, & de Hierosolymitano
concilio. Ca. XX.

urn:nbn:de:hbz:466:1-12718

SOZOMENI HISTOR.

mile beneficium abs te mihi tribui postulo: vt videlicet isti
itidem in hac vrbe vnam habeat ecclesiā, in qua liberē ac fi-
ne metu in vnum conueniant. Postulatione igitur Athana-
sij ab imperatore, velut æqua approbata, cōmodū viſum est
Arianis rē silentio præterire: quippe existimarunt suam opi-
nionem propter Athanasij nullā omnino apud Alexandri-
nos progressionē facturā, p̄fserit cum ille non modò ad
suę doctrinę fautores in eadē firmē continēdōs, verū etiam
ad pelliciēdos aduersarios satis haberet viriū & facultatis
Apud Antiochenos autem, si istud fieret, primum Eustathi
anos, qui multi erant numero, conuentus facturos: deinde
vti simile veri erat, nouas res molituros, cum impunē suos
in vnum cogere possent. Quandoquidem, Arianis etiā ec-
clesias occupantibus, totus clerus ac populus Antioche-
nus eorum opinionibus non penitus obsequeretur, sed in
cœtus pro more, dum deū hymnis collaudabant, distribu-
ti, sub finem hymnorū, singuli suā opinionē declararent, &
alij non patrem modo, sed filium etiam, vt pote patri hono-
re æqualem, gloria efferrent, alij patrē in filio esse dicerent,
atq; per hanc præpositionē, IN, filium patre inferiorē ostē-
dere conarentur. Tandē, his rebus ita cōparatis, Leontius,
qui sectæ Arianæ deditus, illo tēpore sedem episcopalem
Antiochenam gubernaret, incertus animi, quid ageret, ta-
metsi non aggrediceretur eos qui hymnis fidei concilij Ni-
cæni consentientibus deum laudarent, prohibere (metu
ebat enim ne populus seditionē cōflaret) tamen manu ad
caput, quod iā valde canescebat admota, dixisse fertur: hac
niue liquefacta, multum erit lutu. Quo significare voluit,
sc̄ mortuo, dispares illos hymnorū modos tandē in popu-
li seditionem recasuros, quando episcopi, qui ei succede-
rent, nullo modo paterētur itidem sc̄ populi arbitrio in o-
mnes partes circumferri.

*Quid Cōstātius pro Athanasio Aegyptiis scrip-
rit, & de Hierosolymitano concilio. C. A. XX.*

Imperator autem dimittit Athanasium in Aegyptū, scrip-
titq; pro eo literas cum ad episcopos & presbyteros cu-
iusq; ciuitatis, tū ad populū ecclesiarū Alexandrinæ: qui-
bus & vitā eius piè actam & probitatē morū cōmendauit,
eosque

eosque cohortatus est, ut ei, utpote suo antistiti parentes, precibus & orationibus deum religiose colerent. Quod si qui malevolentia suffusi, se seditionis ostenderent, eos secundum leges eiusmodi hominibus sanctitas penas daturus. Dedit præterea mandatum, ut literæ, quas contra Athanasiū, & ei communione participes è tabulis publicis eximerent, atque ut clerci quoque illius pristina immunitate, quæ ipsorum ministerijs tributa fuerat, frueretur. De qua re scripsit etiam ad Aegypti & Libyæ præsides. Athanasius autem cum venisset in Aegyptum, quotquot sectæ Arianæ deditos cognoscet, eos abdicauit: quorum verò fidē habebat exploratè cognitā & probatā, illis ecclesiarum cōcredidit administratiōnem, fidē conciliij Nicæni tenere, eique; studiose adhærescere iussit. Dicitur porro per alias quoque nationes eodem tempore iter faciens, si quas forte ecclesiæ ab Arianis occupatas offenseret, eodem modo cum illius egisse. Itaque; istud demum ei criminis loco obiecerunt: quod scilicet in urbibus nihil ad pertinentibus, ministros ecclesiæ instituere auderet. Verum cum inuitis etiam aduersarijs res propter redditum ei prosperè succedere, & propter amicitiam Constantini imperatoris à nemine contemni, sed in maiore, quam ante, honore haberi videtur, cōplures etiam episcopi, inimicitijs erga illum depositis, cum eo communicarunt, in quorum numero fuere episcopi Palæstini. Nam cum id temporis per Palestinam transiret, eum benevolè & humanitus exceperunt: atque cōcilium Hierosolymis coacto, Maximus & alii episcopi pro eo scripsere ista.

Cōcilij Hierosolymitanij ad Aegyptios pro Athanasiō epistola. CAPVT XXI.

Sanctum concilium Hierosolymis coactum, episcopis Aegypti, & Lybie, & presbyteris, quoque & diaconis, & populo Alexandriae, charissimis & cum primis desideratis fratribus in Christo. S.

Deo vniuersarū rerū moderatori, fratres chariss. pro admirabilibus beneficijs, cum quæ oī tempore in nos, tum quod in vestrā ecclesiā contulerit, Athanasiū pastorem, vestrum, & dñm ac collegā nostrū vobis reddēdo, nullomodo dignas gratias agere possum⁹. Nam quis aliquando sperare potest, ut se oculis ista aspecturus, quod vos iam estis re ipsa consecuti? Sed ve-